



*ODLUKA
O DOPUNI ODLUKE O SPOMENICIMA OD ZNAČAJA ZA GRAD
SARAJEVO
(prijedlog)*

*Predlagač: Gradonačelnik
Obrađivač: Služba za urbano planiranje,
investicije, stambene i komunalne poslove*

Sarajevo, juni 2019. godine

Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“ broj: 34/08 – prečišćeni tekst), Gradsko vijeće Grada Sarajeva, na sjednici održanoj dana _____, donijelo je

(prijedlog)

ODLUKU O DOPUNI ODLUKE O SPOMENICIMA OD ZNAČAJA ZA GRAD SARAJEVO

Član 1.

Član 4. Odluke o spomenicima od značaja za Grad Sarajevo („Službene novine Kantona Sarajevo“ broj: 08/19- prečišćeni tekst) dodaju se stavovi (3) i (4) i glasE:

„ (3) U slučaju podizanja spomenika od značaja za Grad Sarajevo koja Elaboratom nije predviđena za postavljanje spomenika, pribavlja mišljenje općine na čijoj teritoriji se nalazi lokacija, mišljenje Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog i prirodnog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zaštite nacionalnog spomenika, pribavlja se i mišljenje Zavoda za zaštitu spomenika Federacije Bosne i Hercegovine.

(4) U slučaju podizanja spomenika od značaja za općinu koja Elaboratom nije predviđena za postavljanje spomenika, pribavlja se mišljenje Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog i prirodnog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zaštite nacionalnog spomenika, pribavlja se i mišljenje Zavoda za zaštitu spomenika Federacije Bosne i Hercegovine.“

Član 2.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

**Predsjedavajući Gradskog vijeća
Grada Sarajeva**

Broj:
Sarajevo,

PRAVNI OSNOV:

Pravni osnov za donošenje ove odluke sadržan je u odredbama član 26. stav (1) tačka 2) Statuta Grada Sarajeva („Službene novine Kantona Sarajevo“, broj: 34/08 – prečišćeni tekst) kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA:

Inicijativa za dopunu Odluke o spomenicima od značaja za Grad Sarajevo je upućena od strane Općine Centar. U cilju usklađivanja propisa odnosno ove Odluke sa prijedlogom Odluke o provođenju Elaborata o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od značaja za Grad Sarajevo pristupilo se dopuni ove Odluke.

Odluka se predlaže u formi prijedloga.

PREDLOŽENA RJEŠANJA

Odlukom o spomenicima od značaja za Grad Sarajevo previđeno je da se podizanje spomenika vrši u skladu sa Elaboratom o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od značaja za Grad Sarajevo. Obzirom na činjenicu da se u proteklom periodu u više navrata podnošene inicijative za podizanje spomenika na lokacijama koje nisu obuhvaćene Elaboratom neophodno je propisati proceduru podizanja spomenika i na tim lokacijama.

U tim situacijama predloženo je da Gradonačelnik, za spomenike od značaja za Grad Sarajevo i Bosnu i Hercegovinu, pribavi mišljenja općine na čijoj teritoriji se nalazi lokacija, Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog i prirodnog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zaštite nacionalnog spomenika, neophodno je i mišljenje Zavoda za zaštitu spomenika Federacije Bosne i Hercegovine.

Odnosno, za podizanje spomenika od značaja za općinu na lokacijama koje nisu predviđene Elaboratom, neophodno je pribaviti mišljenja Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog i prirodnog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zaštite nacionalnog spomenika, neophodno je i mišljenje Zavoda za zaštitu spomenika Federacije Bosne i Hercegovine.

FINANSIJSKA SREDSTVA:

Za realizaciju ove odluke nije potrebno planirati sredstva u Budžetu Grada Sarajeva.